

四庫全書

集部

欽定四庫全書

集部

御選歷代詩餘卷八十七

詳校官中書臣潘有為

侍讀臣孫球覆勘

總校官進士臣朱 鈐

校對官中書臣徐秉敬

謄錄監生臣張 玟

欽定四庫全書

御選歷代詩餘卷八十七目錄

起一百十字至一百一十一字

霜葉飛

又一體

張炎

劉基

前調

又一體

無名氏

擊梧桐

又一體

李甲

李珣

八寶妝

又一體

李甲

大聖樂

又一體

康與之

蔣捷

前調

又一體

張炎

高山流水

吳文英

八犯玉交枝

仇遠

幔捲綯

柳永

李甲

疎影

姜夔

趙以夫

陳允平

周密

王沂孫

張炎

四首

王夢應

鄧剡

趙文

張翥

選冠子 又一體

周邦彥

方千里

吳文英

陳允平

劉基

吳子孝

前調

又一體

蔡伸

陳允平

五綵結同心

又一體

趙彥端

八歸



高觀國

女冠子

又一體

柳永

霜葉飛

又一體

周邦彥

吳文英

張炎

二首

長壽樂

又一體

柳永

沁園春

又一體

楊慎

御選歷代詩餘卷八十七目錄

欽定四庫全書

御選歷代詩餘卷八十七

起一百一十字至一百一十一字

司經局洗馬掌局事兼翰林院修撰加二級臣王奕清奉

甘校刊

霜葉飛

又一體雙調  
一百十字

霜葉飛

悼澄江  
吳立齋

張炎

故園空杳霜風動南塘吹斷瑤草已無清氣礙雲山奈

此時懷抱尚記得修門賦曉杜陵花竹歸來早傍雅亭  
幽榭慣款語英游好懷無限歡笑 不見換羽移商杏  
梁塵遠可憐都付殘照坐中泣下最誰多歎賞音人少  
悵一夜梅花都老今年因甚無詩到待喚起清魂說與  
淒涼定應愁了

前調

七夕

劉基

鯉魚風起津梁斷盈盈一水難渡藕花相向自成蓮誰  
道中心苦又不覺明星在戶鵲橋橫跨黃姑渚怕喜極

悲生似那日匆匆再把歡笑辜負  
堪恨桂闕姮娥乘雲驟霧便踏龍尾先去碧雞啼罷鳳樓寒早漏聲催鼓  
盼油壁香車駕了踟躕欲上頻回顧但暗滴真珠教向  
人間散成飛雨

前調

又一體

無名氏

霜林彫晚危樓迴登臨無限秋思望中閒想洞庭波面  
亂紅初墜更蕭索風吹渭水長安飛舞千門裏變景摧  
芳樹唯有蘭衰暮叢菊殘餘蕊念花滿堂時自美人

一去鎮掩香閨經歲又觀珠露碎點蒼苔敗梧飄砌漫  
贏得相思淚眼東君早作歸來計須莫惜丹青手重與  
芳菲萬紅千翠

擊梧桐

又一體雙調  
一百十字

擊梧桐

李甲

杳杳春江闊收細雨風颭波聲無歇鴈去汀洲暖岸蕪  
靜翠染遙山一抹羣鷗聚散征航來去隔水相望楚越

對此凝情久念往歲上國嬉遊時節  
關草園林賣花  
巷陌觸處風光奇絕正恁濃歡裏悄不意頗有天涯離  
別看即梅生翠實柳飄狂絮沒個人共折把而今愁煩  
滋味教向誰說

前調

別西湖  
社友

李珣

楓葉濃於染秋正老江上征衫寒淺又是秦鴻過霽煙  
外寫出離愁幾點年來歲去朝生暮落人似吳潮展轉  
怕聽陽關曲奈短笛喚起天涯情遠  
雙屐行春扁舟

嘯晚憶著鷗湖鶯苑小小梅花屋雪月後記把山扉牢  
掩惆悵明朝何處故人相望但碧雲半斂定蘇堤重來  
時候芳草如翦

八寶妝

又一體雙調  
一百十字

八寶妝

李甲

門掩黃昏畫堂人寂暮雨乍收殘暑簾捲疎星庭戶悄  
隱隱嚴城鐘鼓空街煙暝半開斜月朦朧銀河澄淡風



淒楚還是鳳樓人  
遠桃源無路  
惆悵夜久星繁碧雲  
望斷玉簫聲在何處  
念誰伴茜裙翠袖共攜手  
瑤臺歸去對脩竹  
森森院宇曲屏香暖凝  
沉炷問對酒當歌情  
懷記得劉郎否

### 大聖樂

又一體雙調  
一百十字

### 大聖樂

康與之

千朵奇峰半軒微雨曉來初過  
漸燕子引教雛飛  
茜茜

暗薰芳草池面涼多淺斟瓊卮浮綠蟻展湘簾雙紋生  
細波輕紈舉動團圓素月仙桂婆娑臨風對月恣樂  
便好把千金邀豔娥幸太平無事擊壤鼓腹攜酒高歌  
富貴安居功名天賦爭奈皆由時命何休眉鎖問朱顏  
去了還更來麼

前調

壽陶  
成之

蔣捷

笙月涼邊翠翹雙舞壽仙曲破更聽得豔拍流星慢唱  
壽詞初了羣唱蓮歌主翁樓中披鶴氅展一笑微微紅

透渦襟懷好縱炎官駐繖長是春和 千年鼻祖事業  
記曾趁雷聲飛快梭但也曾三徑撫松采菊隨分吟哦  
富貴浮雲榮華風過淡處還他滋味多休辭飲有碧荷  
貯酒深似金荷

前調

又一體  
春堂分韻 華

張炎

隱市山林傍家池館頗成佳趣是幾番臨水看雲就樹  
攬香詩滿闌干橫處翠徑小車行花影聽一片春聲人  
笑語深庭宇對清晝漸長閒教鸚鵡芳情緩尋細數

愛碧草平煙紅自雨任燕來鶯去香凝翠暖歌酒清時  
鐘鼓二十四簾冰壺裏有誰在簫臺猶醉舞吹笙侶倚  
高寒半天風露

高山流水

雙調一  
百十字

高山流水

丁基仲妻  
善琴題贈

吳文英

素絃一一起秋風寫柔情多在春葱徽外斷腸聲霜霄  
暗落驚鴻低顰處翦綠裁紅仙郎伴新製還賡舊曲映

月簾櫳似名花並蒂日日醉春濃  
吳中空傳有西子  
應不解換徵移宮蘭蕙滿襟懷唾碧總噴花茸後堂深  
想費春工客愁重時聽蕉寒雨碎淚濕瓊鍾恁風流也  
稱金屋貯嬌慵

### 八犯玉交枝

雙調一  
百十字

### 八犯玉交枝

招寶山  
觀月上

仇遠

滄島雲連綠瀛秋入暮景却沉洲渚無浪無風天地白

聽得潮生人語，擎空孤柱翠倚高閣，憑虛中流蒼碧迷。  
煙霧惟見廣寒門外青無重數。不知是水是山，不知  
是樹漫漫，知是何處倩誰問。凌波輕步漫凝睇，乘鸞秦  
女想庭曲霓裳正舞。莫須長笛吹愁去，怕喚起魚龍三  
更噴作前山雨。

慢捲紬

雙調一百十字  
或作慢捲袖

慢捲紬

柳永

閒窓燭暗孤幃夜永歌枕難成寐細屈指尋思舊事前  
歡都來未盡平生深意到得如今萬般追悔空祇添憔  
悴對好景良宵皺著眉兒成甚滋味紅茵翠被當時  
一一堪垂淚怎生得依前似恁偎香倚暖抱著日高猶  
睡算得伊家也應隨分煩惱心兒裏又爭似從前澹澹  
相看免恁縈繫

前調

李甲

絕羽沉鱗埋香葬玉杳杳悲前事對一盞寒燈數點流

螢悄悄畫屏巫山十二舜臉星眸蘭情蕙性一旦成流  
水便縱有甘泉妙手鴻都方士何濟香閨寶砌臨妝  
迤邐苔痕翠更不忍看伊繡殘鴛履而今尚有啼紅粉  
漬好夢不來斷雲飛去黯黯愁無際漫飲盡香醪奈向  
愁腸消遣無計

疎影

雙調一百十字石湖梅開范成大徵新聲於姜夔  
夔製暗香疎影二曲後人更以紅情綠意名之此  
其一也



疎影

石湖梅詞

姜夔

苔枝綴玉有翠禽小小枝上同宿客裏相逢籬角黃昏  
無言自倚脩竹  
昭君不慣龍沙遠但暗憶江南江北想  
珮環月夜歸來化作此花幽獨  
猶記深宮舊事那人  
正睡裏飛近蛾綠  
莫似東風不管盈盈早與安排金屋  
還教一片隨波去又却怨玉龍哀曲等恁時重覓幽香  
已入小牕橫幅

前調

梅

趙以夫

晴空漠漠催雪來底處飄滿籬落元是花神管領春風  
幽香忽徧林壑玉仙緩轡江城路全不羨揚州東閣似  
天教瑤珮瓊裾薦與翠尊冰勺聞道兒童好語豐年  
瑞覆早占取紅萼驛使飛馳羹鼎安排速趁良辰行樂  
聯鑣一一清都客也肯把山林同約醉歸來夢斷西牕  
怕聽麗譙吹角

前調

次姜白石韻

陳允平

千峰玉立送孤雲伴我羅牕清宿拂鏡凭虛春碧生寒

夜單瘦倚筇竹東風不解吹愁醒但芳酒溪南城北認  
霧鬟遙鎖脩眉顰嫵為誰愁獨江上輕鷗似識背昭  
亭兩兩飛破晴綠一片蒼煙隔斷家山夢遠石牕蘿屋  
相看不厭朝還暮算幾度赤闌干曲待倩詩收拾歸來  
寫作卧遊屏幅

前調

梅影

周密

冰條凍葉又橫斜照水一花初發素壁秋屏招得芳魂  
彷彿玉宮明滅疎疎滿地珊瑚冷全誤却撲花幽蝶甚

美人忽到牕前鏡裏好春難折  
閒却孤山舊事浸清漪  
倒映千樹殘雪暗裏東風可慣無情攪碎一簾香月  
輕妝誰寫崔徽面認隱約煙綃重疊記夢回紙帳殘燈  
瘦倚數枝清絕

前調

咏梅

王沂孫

瓊妃卧月任素裳瘦損羅帶重結石逕春寒碧蘚參差  
相思曾步芳屨離魂分破東風恨又夢入水孤雲闊算  
如今也厭娉婷帶了一痕殘雪  
猶記冰匳半掩冷枝

畫未就歸棹輕折幾度黃昏忽到牕前重想故人初別  
蒼蚪欲捲漣漪去慢蛻却連環香骨早又是翠陰蒙茸  
不似一枝清絕

前調

北歸感舊  
寄周草窓

張炎

柳黃未結放嫩晴銷盡斷橋殘雪隔水人家渾是花陰  
曾醉好春時節輕車幾度新堤曉想如今燕鶯猶說縱  
豔遊得似當年早是舊情都別重到翻疑夢醒弄泉  
試照影驚見華髮却笑歸來石老雲荒身世飄然一葉

閉門約住青山色自容與吟牕清絕怕夜寒吹到梅花  
休捲半簾明月

前調

梅

張炎

黃昏片月似碎陰滿地還更清絕枝北枝南疑有疑無  
幾度背燈難折依稀倩女離魂處緩步出前村時節看  
夜深竹外橫斜應如過雲明滅 窺鏡蛾眉淡抹為容  
不在貌獨抱孤潔莫是花光描取春痕不怕麗譙吹徹  
還驚海上燃犀去照水底珊瑚如活做弄得酒醒天寒

空對一庭香雪

前調

題賓  
月圖

張炎

雪空四野照歸心，萬里千峰獨立身。  
與天游，一洗襟懷，海鏡倒湧秋白。  
相逢嬾問盈虧事，但脈脈此情無極。  
是幾番飛蓋追隨，桂底露衣香濕。  
閒歎樓臺夜色，料水光未許，人世先得。  
影裏分明認得，山河一笑亂山橫碧。  
乾坤許大，須容我，渾忘了。  
醉鄉猶客，待倩誰招下，清風共結歲寒三益。

前調 荷葉

張炎

碧圓自潔向淺洲遠渚亭亭清絕猶有遺簪不展秋心  
能卷幾多炎熱鴛鴦密語同傾蓋且重與浣紗人說恐  
怨歌忽斷花風碎却翠雲千疊回首當年漢舞怕飛  
去漫綰留仙裙摺戀戀青衫猶染枯香還歎鬢絲飄雪  
盤心清露如鉛水又一夜西風吹折喜靜看匹練秋光  
倒瀉半湖明月

前調

王夢應



曹騰曉被聽墮冰屋角晴哢仍未土濕煙生庭揜寒青  
障泥嬾為春試東風舊與花飛去料記得年年沙際忍  
落梅萬點苔根化作一牕離思 猶憶薦紅穉綠斷橋  
雪未埽天近春易老對荒寒事舊人新鴈後不成情味  
人間解有花如海待一片不教隨水但玉香酥影玲瓏  
逐日暖紅雲裏

前調

送尹簿  
之平江

鄧剡

瑤尊蘸翠短長亭送別風戀晴袂臘樹迎春一路清寒

能消幾日羈思霜華不借陽關柳悄莫繫行人嘶騎對  
梅花索笑分攜勝約別來相寄 人物仙蓬妙韻瑞鸞  
斂迅翼聊憩香枳見說使君好語先傳付與芙蓉清致  
客來欲問荊州事但細語岳陽樓記夢故人翦燭西牕  
已隔洞庭煙水

前調

道士朱復論琴

趙文

寒泉濺雪有珮環隱隱飛度霜月易水風寒壯士悲歌  
關山萬里離別楊花浩蕩晴空轉又化作雲鴻霜鷗耿

石壕夜久無言寂歷如聞幽咽 雲谷山人老矣江空  
又歲晚相對愁絕玉立長身自是胎仙舞我黃庭三疊  
人間只慣丁當字妙處在一聲清拙待明朝試拂菱花  
老我滿簪華髮

前調

王元章  
墨梅圖

張翥

山陰賦客怪幾番睡起牕影生白縹緲仙姝飛下瑤臺  
淡泞東風顏色微霜恰護朦朧月更想像暝煙低隔恨  
翠禽啼處驚殘一夜夢雲無跡 惟有龍煤解染數枝

入畫裏如印溪碧老樹枯苔玉暈冰圍滿幅寒香狼藉  
墨池雪嶺春長好悄不管小樓橫笛怕有人誤認寒花  
欲點曉來妝額

選冠子

又一體雙調  
一百一十一字

選冠子

周邦彥

水浴清蟾葉喧涼吹巷陌雨聲初斷閒依露井笑撲流  
螢惹破畫羅輕扇人靜夜久凭闌愁不歸眠立殘更箭

歎年華一瞬人今千里夢沉書遠  
空見說鬢怯瓊梳  
容銷金鏡漸嬾趁時勻染梅風地溽虹雨苔滋一架舞  
紅都變誰信無聊為伊才減江淹情傷荀倩但明河影  
下還看稀星數點

前調

次周美成韻

方千里

柳灑鵝黃草揉螺黛院落雨痕纔斷蜂鬚霧濕燕觜泥  
融陌上細風頻扇多少豔景闌心長苦春光疾如飛箭  
對東風忍負西園清賞翠深香遠  
空暗憶醉走銅駝

閒敲金鐙倦跡素衣塵染因花瘦覺為酒情鍾綠鬢幾  
番催變何況逢迎向人眉黛供愁嬌波回倩料相思此  
際濃似飛花萬點

前調

芙蓉

吳文英

藻國淒迷麴塵澄映怨入粉煙藍霧香籠麝水膩漲紅  
波一鏡萬妝爭妬湘女歸魂佩環玉冷無聲凝情誰語  
又江空月墮凌波塵起綵鴛愁舞還暗憶鈿合蘭橈  
絲牽瓊腕見萼更憐心苦玲瓏翠幄輕薄冰綃穩稱錦

雲留住生怕衰蟬暗驚秋破紅衰啼珠零露奈西風老  
盡羞趁東風嫁與

前調

次周美  
成韻

陳允平

翠約蘋香綠搏槐陰隔水晚蟬聲斷壺冰避暖釧玉歌  
涼倦暑嬾拈歌扇雲浪縹緲魚鱗新月開弦落星沉箭  
恨經年間闊柔箋空寄夢隨天遠 憔悴損臂薄煙綃  
腰寬霞縷錦瑟暗塵侵染韓香猶在秦鏡空圓薄倖舊  
盟俱變虛蠹春華為誰容改芳徽魂飛嬌倩凭危樓望

斷江外青山亂點

前調

劉基

暖日蒸紅濃煙烘黛又過一年春半鶯啼鏡掩桂老蟾  
孤芳草為誰如翦何處燕子飛來入幕穿簾似曾相見  
問舊時王謝風流安在雪消冰泮還記得翠幄籠花  
瓊闌搭柳鳴珮響和清管圓光易缺急景難追回首夢  
迷天遠綠蔣青蘋是他玉樹亭亭金蓮宮苑且高歌對  
酒趁取韶華未晚



前調

吳子孝

芳榭春闌曲池風暖滿地綠陰清晝柳條點水燕語撩  
人睡起不禁醇酎最喜洛苑名花色豔香濃經旬依舊  
把越羅團扇走傍花陰幾番吟嗅空悵望人在天涯  
雲飛林外霜鬢灰心時候鶯聲漸老梅實纔肥莫便風  
塵馳驟今日歡娛祇求長住衡茅慣尋巖岫看揮毫萬  
字須待玉山頽後

前調

又一體

蔡伸

鴈落平沙煙籠寒水古壘鳴笳聲斷青山隱隱敗葉蕭  
蕭天際暝鴉零亂樓上黃昏片帆千里歸程年華將晚  
望碧雲空暮佳人何處夢魂俱遠憶舊遊遽館朱扉  
小園香徑尚想桃花人面書盈錦軸恨滿金徽難寫寸  
心幽怨兩地離愁一尊芳酒淒涼危闌倚徧儘遲留憑  
仗西風吹乾淚眼

前調

壽建安  
謝使君

陳允平

穀雨收寒茶煙颺曉又是牡丹時候浮龜碧水聽鶴丹

山綵屋幔亭依舊和氣縹緲人間滿谷紅雲德星呈秀  
向東風種就一庭蘭茁玉香初茂還遙想曲度嬌鶯  
舞低輕燕二十四簾芳晝清溪九曲上巳風光觴詠似  
山陰否翠閣凝清正宜淪茗銀罌熨香金斗雙鸞下長  
生殿裏賜薔薇酒

五綵結同心

又一體雙調  
一百一十一字

五綵結同心

為淵  
卿壽

趙彥端

人間塵斷雨外風回涼波自泛仙槎非郭還非野閒鶯  
燕時傍笑語清佳銅壺花漏長如線金鋪碎香暖檐牙  
誰知道東園五畝種成國色天葩 主人漢家龍種正  
翩翩迴立雪紵烏紗歌舞承平舊圍紅袖詩興自寫春  
華未知三斗朝天去定何似鴻寶丹砂且一醉朱顏相  
慶共看玉井浮花

八歸

雙調一百  
十一字

八歸

重陽前一日懷梅溪

高觀國

楚峰翠冷吳波煙遠吹袂萬里西風關河迴隔新愁外  
遙憐倦客音塵未見征鴻雨帽風巾歸夢杳想吟思吹  
入飛蓬料恨滿幽苑離宮正愁黯文通 秋濃新霜初  
試重陽催近醉紅偷染江楓瘦筇相伴舊遊回首吹帽  
知與誰同想萸囊酒醖暫時冷落菊花叢兩凝竚壯懷  
立盡微雲斜照中

女冠子

又一體雙調  
一百十一字

女冠子

柳永

淡煙飄薄鶯花謝清和院落樹陰翠密葉成幄麥秋霽  
景夏雲忽變竒峰倚寥廓波暖銀塘漲新萍綠魚躍想  
憂端多暇陳王是日嫩苔生閣正鑠石天高流金晝  
永楚榭光風轉蕙披襟處波翻翠幙以文會友沉李浮  
瓜恣輕諾別館清閒避炎蒸豈須河朔但尊前隨分雅  
歌豔舞盡成歡樂

霜葉飛

又一體雙調一百十  
一字又名關嬋娟

霜葉飛

周邦彥

露迷衰草疎星挂涼蟾低下林表素娥青女鬪嬋娟正  
倍添淒悄漸颯颯丹楓撼曉橫天雲浪魚鱗小見皓月  
相看又透入清輝半晌特地留照迢遞望極關山波  
穿千里度日如歲難到鳳樓今夜聽秋風奈五更愁抱  
想玉匣哀絃閉了無心重理相思調念故人牽離恨屏

掩孤蟬淚流多少

前調

吳文英

斷絃離緒關心事斜陽紅映霜樹半壺秋水薦黃花香  
啜西風雨縱玉勒輕飛迅羽淒涼誰弔荒臺古記醉踏  
南屏彩扇咽寒蟬倦夢不知樊素聊對舊節傳杯塵  
箋蠹館斷闌經歲慵賦小蟾斜影轉東籬夜冷殘蛩語  
早白髮綠愁萬縷驚鷗從捲烏紗去漫細將茱萸看但  
約明年翠微高處



前調

毘陵宅中  
聞老妓歌

張炎

繡屏開了驚詩夢嬌鶯啼破春梢穩將譜字轉清圓正  
杏梁聲繞看帖帖蛾眉淡埽不知能聚愁多少歎客裏  
淒涼尚記得當年雅音低唱還好同是流落殊鄉相  
逢何晚坐對真被花惱貞元朝士已無多但荒煙衰草  
未忘得春風窈窕却憐張緒如今老且慰我留連意莫  
說西湖那時蘇小

前調

春感

張炎

舊家池沼尋芳處從教飛燕頻繞一灣柳護水房春看  
鏡驚窺曉暈宿酒雙蛾淡埽羅襦飄帶腰圍小盡醉方  
歸去又暗約明朝鬪草誰解先到心緒亂若晴絲那  
回遊處墜紅爭戀殘照近來心事漸無多尚被鶯聲惱  
便白髮如今縱少情懷不似前時好漫竚立東風外愁  
極還醒背花一笑

長壽樂

又一體雙調  
一百一十一字

長壽樂

柳永

繁紅嫩翠豔陽景妝點神州明媚是處樓臺朱門院落  
絃管新聲騰沸恣遊人無限馳驟驕馬如水競尋芳選  
劇強歸來向晚起通衢近遠香塵細細太平世少年  
時忍把韶光輕棄況有紅妝楚豔一笑千金何啻向尊  
前舞袖飄雪歌響行雲止願長繩且把飛鳥繫任好從  
容痛飲誰能惜醉

沁園春

又一體雙調  
一百十一字

沁園春

送十  
蘇溪

楊慎

歸去來兮羨公高致栗里堪齊記繡斧行邊風生貴竹  
青油開府月朗雕題黑髮功名丹心事業卿棘公槐行  
可躋問何事急流勇退力挽難稽公言某豈栖栖奔  
走紅塵早歲迷沉夜鶴帳中滇雲直北春鵲花底蜀日  
平西布韞青鞵水邊林下尋壑經丘一杖藜喜吾鄉散  
仙多侶勝日招攜



御選歷代詩餘卷八十七

欽定四庫全書

御選歷代詩餘卷八十八目錄

起一百一十二字至一百一十四字

透碧霄

柳永

查荃

女冠子

又一體

蔣捷

沁園春

又一體

韓玉

離別難 又一體

柳永

選冠子 又一體

侯寔 二首

陸游

陳允平

馮全真



前調 又一體

魯逸仲

楊澤民

虞集 二首

無名氏

前調 又一體

張景修

張翥 二首

虞集

姚綬

三首

王達

吳子孝

桑悅

韓守益

沁園春

又一體

曾鞏

程垓

陸游

吳子孝

趙寬

前調

又一體

嚴參

嚴仁

前調

又一體

李福謙

女冠子

又一體

柳永

玉山枕

柳永

丹鳳吟

周邦彥

方千里

吳文英

陳允平

小梅花

賀鑄

向子諲

朱雍

劉均國

紫萸香

姚雲文

女冠子

又一體

周邦彥

輪臺子

柳永

摸魚兒

徐一初

御選歷代詩餘卷八十八目錄

欽定四庫全書

御選歷代詩餘卷八十八

起一百一十二字至一百一十四字

司經局洗馬掌局事兼翰林院修撰加二級臣王奕清奉

旨校刊

透碧霄

雙調一百一十二字

透碧霄

柳永

月華邊萬年芳樹起祥煙帝居壯麗皇家熙盛寶運當

千端門清晝觚稜照日雙闕中天太平時朝野多歡偏  
錦街香陌釣天歌吹閨苑神仙昔觀光得意狂遊風  
景再覩更精妍傍柳陰尋花逕空恁鞦韆垂鞭樂遊雅  
戲平康豔質應也依然仗何人多謝嬋娟道宦途蹤跡  
歌酒情懷不似當年

前調

查荃

機蘭舟十分端是載離愁練波送遠屏山遮斷此去難  
留相從爭奈心期久要屢變霜秋歎人生杳似萍浮又



翻成輕別都將深恨付與東流  
想斜陽影裏寒煙明  
處雙槳去悠悠愛渚梅幽香動須采掇倩纖柔豔歌粲  
發誰傳餘韻來說仙遊念故人留此遐州但春風老後  
秋月圓時獨倚江樓

### 女冠子

又一體雙調  
一百一十二字

### 女冠子

元夕

蔣捷

蕙花香也霜晴池館如畫春風飛到寶釵樓上一片笙

簫琉璃光射而今燈漫挂不是暗塵明月那時元夜況  
年來心嬾意怯羞與蛾兒爭耍江城人悄初更打問  
繁華誰解再向天公借剔殘紅地但夢裏隱隱鈿車羅  
帕吳牋銀粉研待把舊家風景寫成閒話笑綠鬢鄰女  
綺牕猶唱夕陽西下

沁園春

又一體雙調一百一十二字取漢沁水公主園以名  
調一名洞庭春色一名大聖樂一名壽星明一名  
東仙其字數多少  
者此調變格也

沁園春

韓玉

壯歲耽書黃卷青燈留連寸陰到中年贏得清貧更甚  
蒼顏明鏡白髮輕簪衲被蒙頭草屨著脚風雨蕭蕭秋  
意深淒涼否餅中匱粟指下忘琴 一篇梁父高深看  
谷變陵遷古又今便離騷經了靈光賦就行歌白雪愈  
少知音試問先生如何即是布袖長垂不上襟掀鬚笑  
一杯有味萬事無心

離別難

入一體雙調  
一百十二字

離別難

柳永

花謝水流倏忽嗟年少光陰有天然蕙質蘭心美韶容  
何啻直千金便因甚翠弱紅衰纏綿香體都不勝任算  
神仙五色靈丹無驗中路委絳簪 人悄悄夜沉沉閉  
香閨永棄鴛衾想嬌魂媚魄非遠總鴻都方士也難尋  
最苦是好景良天尊前歌笑空想遺音望斷處杳杳巫  
峰十二千古暮雲深

選冠子

又一體雙調  
一百十三字

選冠子

湖州趙守  
席上作

侯寘

暗雨收梅晴波搖柳萬頃水晶宮冷橋森畫棟岸列紅  
樓兩岸翠簾交映天上行舟鑑中開戶人在蕊珠仙境  
況吟煙嘯月彈絲吹竹太平歌咏人盡說銅虎分賢  
銀潢儲秀鞏固行都落屏棠陰散暑鼎篆凝香永日一  
庭虛靜紅袖持觴綵箋揮翰適意酒豪詩俊看飛雲丹

詔行沙金勒待公歸觀

前調

侯寘

返照迴光終焉活計何處可為依託凋零鄭圃竹塢松  
溪林下勝遊行樂霞友雲朋水色山光幽隱煙蘿巖壑  
更堂堂氣槩摩天一點浩然寥廓堪歎處蝶戲花梢  
苔生石徑風細日高簾幙清虛器量咀嚼乾坤高邁市  
朝歡約疎葛寬裁瘦玉橫拖嘯傲東籬吟酌把真情欲  
寫奈何塵世故人蕭索

前調

唐西  
安湖

陸游

澹靄空濛輕陰清潤綺陌細塵初靜平橋繫馬畫閣移  
舟湖水倒空如鏡掠岸花飛傍檐新燕都是學人無定  
歎連年戎帳經春邊壘暗凋顏鬢空記憶杜曲池臺  
新豐歌管怎得故人音信羈懷易感老伴無多談塵久  
閒犀柄惟有翛然筆牀茶竈自適筍興煙艇待綠荷遮  
岸紅蕖浮水更乘幽興

前調

陳允平

倦聽蛩砧初拋鸞扇隔浦亂鐘催晚湘蒲簟冷楚竹簾  
稀牕下乍聞裁翦倦柳梳煙枯蓮蘸水芙蓉翠深紅淺  
對半牕燈火虛堂淒寂近書思徧夜漏永玉宇塵收  
銀河光爛夢斷楚天空遠婆娑月樹縹緲天香身在廣  
寒宮殿無奈離愁亂織藉酒消磨倩花排遣漸江空霜  
晚黃蘆澹澹一聲來鴈

前調

馮全真

飯了從容消閒策杖野望去何憑仗帆歸遠浦鷺立汀



洲千樹好花微放芳草池塘錦江樓閣隱隱雲埋青嶂  
向東郊極目天涯不見故人惆悵歸去也翠麓崎嶇  
林巒掩映消遣晚來情況幽禽巧語弱柳搖金綠影小  
橋流響揮埽龍蛇領略風光陶寫丹青吟唱這雲山好  
景物外煙霞幾人能訪

前調

又一體

魯逸仲

弄月餘花團風輕絮露濕池塘春草鶯鶯戀友燕燕將  
雛惆悵睡殘清曉還似初相見時攜手旗亭酒香梅小

向登臨長是傷春滋味淚彈多少 因甚却輕許風流  
終非長久又說分飛煩惱羅衣瘦損繡被香消那更亂  
紅如埽門外無窮路歧天若有情和天須老念高唐歸  
夢淒涼何處水流雲繞

前調

次周美成韻

楊澤民

塞鴈呼雲寒蟬噪晚遶砌夜蛩淒斷迢迢玉宇耿耿銀  
河明月又歌團扇行客暮泊郵亭孤枕難禁一牕風箭  
念松荒三逕門低五柳故山猶遠 堪歎處對敵風光

題評景物惡句斐然揮染風埃仕路冷暖人情一瞬幾  
番更變唯有芳姿為人歌意尤深笑容偏倩把新詞拍  
數儂人低唱鳳鞵輕點

前調

虞集

放棹滄浪落霞殘照聊倚岸迴山轉乘鴈雙鳬斷蘆漂  
葦身在畫圖秋晚雨送灘聲風搖燭影深夜尚披吟卷  
算離情何必天涯咫尺路遙人遠空自笑洛下書生  
襄陽耆舊夢底幾時曾見老矣浮丘賦詩明月千仞碧

天長劔雪霽瓊樓春生瑤席容我故山高宴待雞鳴日出羅浮飛渡海波清淺

前調

樂括歸去來辭

虞集

歸去來兮昨非今是惆悵獨悲奚語迷途未遠晨景熹微乃命僕夫先路風颺舟輕候門童穉此日再瞻衡宇酒盈尊三徑雖荒松菊宛然如故聊寄傲與世相違舊交俱見更復駕言焉取琴書情話尋壑經丘倦鳥岫雲容與農人告我有事西疇孤棹賦詩春雨但樂夫天

命何疑乘化任其留去

前調

梅

無名氏

庾嶺煙光江南風景冷落歲寒庭院疎林萬木凍折孤  
根獨拒曉霜回暖萼點臘脂粉凝芳蕊依稀幾枝初綻  
上層樓月夜凭闌風送暗香清遠嗟往昔漢妃臨鸞  
新妝才飾豔絕人間金鈿東君信息造化工夫却笑衆  
葩開晚若似芳菲迅速終與和羹鳳池仙館願樓頭羌  
管休吹免使為花腸斷

前調

詠柳 又一體

張景修

嫩水接藍遙堤影翠半雨半煙橋畔鳴禽弄舌夢草繁  
心偏稱謝家池館紅粉牆頭步搖金縷纖柔舞腰低軟  
被和風搭在闌干終日畫簾高捲 春易老細葉舒眉  
輕花吐絮漸覺綠陰成幔章臺繫馬灞水維舟誰念鳳  
城人遠惆悵故國陽關杯酒飄零惹人腸斷恨青青客  
舍江頭風笛亂雲空晚

前調

對雪

張翥

凍雨跳空朔雲屯地陡覺夜寒無賴誰從蕊闕宴罷羣  
仙一樣佩零珠解應喚馮夷起舞回風攪碎渺茫銀海  
倚南牕清思盈襟看盡整容斜態君試問白羽鳴弰  
青貂束錦千騎獵歸煙塞何如倦客蠟屐支筇乘興竹  
邊梅外隨處堪尋賣酒人家春渚水香挑菜趁湖山晴  
曉吟魂飛上玉峰瑤界

前調

歲晚再雪  
仍用前韻

張翥

歲晚江空雪飛風起老境若為聊賴家人解事準備深

尊旋遣夜牕寒解萍梗孤蹤幻影浮生萬里喜還閩海  
但囊中留得詩篇爛寫山情水態真比似一個冥鴻  
南來北去閱盡幾重關塞名韉利鎖絆煞英雄都付醉  
鄉之外惟不能忘一舸吳淞鱸膾莖羹菜且今宵還  
我冰壺天地眼空塵界

前調

虞集

憶昔東坡夜遊赤壁孤鶴掠舟西過英雄消盡身世茫  
然月小水寒星大何似漁翁不知今古醉傍蓼花然火



夢相逢羽服翩翩未必此時非我 誰解道歲晚江空  
風帆目力橫槩賦詩江左清露衣裳晚風洲渚多少短  
歌長些玉宇高寒故人何處渺渺予懷無那歎乘槎徑  
去浮海飄然未知誰可

前調

追和虞  
道園韻

姚綬

落落孤懷蕭蕭霜鬢長嘯仰瞻天宇幽壑蛟騰孤舟婦  
泣何處笛聲縷縷逸少黃庭葛洪丹井歷幾鶯啼燕語  
羨東坡勘破虛名願作魚蝦之侶 最好是無吏催租

無人問字老大不知官府插槿編籬牽蘿補屋却與閒  
雲同住冠蓋重新江山依舊更有月同今古是何人夜  
半敲門來話梧枝秋雨

前調

姚綬

楚尾吳頭江滙浦口秋水連天一碧高下帆檣往來舟  
楫擾擾東西南北利染蠅頭名沾蝸角誰躡清都雙舄  
等閒過昨日今朝彈指又成疇昔休只是行役忘歸  
相逢不飲儘把浮生當實東嶠松花西田秫米釀就玉

缸雲液芝長丹田烏飛桂窟問甚鶴胎龜息掩柴門無  
是無非睡足三竿朝日

前調

姚綬

老子重玄莊生虛白只是對人難語撩亂塵埃紛紛世  
事於此別尋條路弱水東頭蓬山上面盡是瓊樓玉宇  
詫人間羅綺笙歌明日紅顏非故且收拾在我身心  
百家藥物牢把根源認取勾漏丹砂東林白酒自有故  
人分與開雲種玉問月停杯此景料無風雨是伊誰黃

鶴樓前吹笛灑然而去

前調

王達

轅固歸來公孫成就莫問世間工拙白鳥無機青山有  
主儘可與君談說酒釀松花香燒柏子彼此是非都絕  
特許他詩客禪僧笑傲煙霞風月到今是一視賢愚  
兩忘榮辱任他樓護屑舌種菊編籬栽松開徑占作林  
間豪傑木落秋亭雨分雲散幾點遠峰斜缺諒此時情  
趣悠然只可自家怡悅

前調

春日光祿  
內直拜敕

吳子孝

鶯語初嬌柳條漸綠玉殿乍長春畫鳳沼雲飛龍樓日  
暖風弄御溝波皺調鼎方和鹽梅欲進高閣報傳清漏  
望丹霄萬樹宮花何處簫韶獨奏還自念供奉多年  
揮毫對御幾首新詩題就寶轡玲瓏錦袍燦爛塵土東  
華依舊運際昇平才非經濟慚媿鸞箋榮綬但徘徊瓊  
宇瑤階稽首君王恩厚

前調

桑悅

湖海踈狂塵埃潦倒難入酒羣花隊鬢影蕭騷腰圍清瘦不是悲秋憔悴雪點青衫風吹烏帽減却年時況味被兒童笑這先生舉動如癡如醉休爭羨出入紗厨輕嘗玉食此是蚊蠅富貴龍卧九淵鳳翔千仞豈在牢籠之內置屋三間鑿池半畝好與虞山相對試長歌坐石觀天拍手雲霞破碎

前調

江亭  
遠眺

韓守益

地湧岷峨天開巫峽江勢西來百折擊楫中流投鞭思

濟多少昔時豪傑鶴渚沙明鷗波雪淨小艇鳴榔初歇  
喜凭闌握月危亭偏稱詩心澄澈還記取王粲樓前  
呂公磯外一樣水光山色煙霞仙館金碧浮圖盡屬楚  
南奇絕紫雲簫待綠醕杯停咫尺良宵明月擲高歌一  
曲清詞徧徹馮夷宮闕

沁園春

又一體雙調  
一百十三字

沁園春

蠟梅

曾鞏

絳萼欺寒暗傳春信一枝乍芳向籬邊竹外前村雪裏  
青梢猶瘦疎影溪傍惹露和煙凝酥豔似瀟灑玉人初  
試妝江南路有多情竚立迴盡柔腸倚樓最難忘處  
正皓月千里流光縱廣平心動難思麗句少陵詩興猶  
愛清香休怪東君先留意問他日和羹誰又強還輕許  
笑凌空檜影松蔭交相

前調

程垓

錦字親裁淚巾偷裛細說舊時記笑桃門巷妝窺寶靨



弄花庭榭香濕羅衣幾度相隨遊冶去任月細風尖猶  
未歸多少事有垂楊眼見紅燭心知如今事都過也  
但贏得雙鬢成絲歎半妝紅豆相思有分兩分青鏡重  
合難期惆悵一春飛絮盡夢悠揚教人分付誰銷魂處  
又梨花雨暗半掩重扉

前調

陸游

壯歲文章暮年勲業自昔悞人算英雄成敗軒裳得失  
難如人意空喪天真請看邯鄲當日夢待炊罷黃梁徐

欠伸方知道許多時富貴何處關身 人間定無可意  
怎換得玉鱸絲蓴且釣竿漁艇筆牀茶竈閒聽荷雨一  
洗衣塵洛水情關千古後對樹暗蒼茫空愴神何須更  
慕封侯定遠圖像麒麟

前調

又一體  
侍宴真趣園 秋日

吳子孝

震澤波澄虎丘雲淨又見秋風有竹下茅廬松邊莎徑  
千尋翠石幾樹丹楓地上神仙山中宰相長奉朱顏白  
髮翁承顏處更不須絲竹笑語融融 庭前昨夜飄桐

雨後涼生暑氣空  
感天壽椿年人安  
蔗境橙香別浦桂  
長芳叢坐擁斑衣  
行隨竹馬開宴高  
臺畫檻東對溪山  
念旨甘雖薄不羨  
王公

前調

趙寬

藜杖敲雲荷衣浥  
露斜抱絲桐問釣  
臺何處鹿門無恙  
心隨流水目送飛  
鴻宇澈微霄林舍  
餘靄野外秋光自  
不同行還憩過三  
義路口萬里橋東  
幽人茅屋山中  
白首淹留桂樹叢  
望丹崖青壁萬尋  
千疊石頭有路一

徑纔通軒冕虛花身心實用何事驅馳任轉蓬如相見  
願執鞭為役沒齒從公

前調

又一體

嚴參

曰歸去來歸去來兮吾將焉歸但有東籬菊有西園桂  
有南溪月有北山薇蜂則有房魚還有穴蟻有樓臺獸  
有依吾應有雲中舊隱竹裏柴扉人間征路熹微看  
處處丹楓白露晞況寒原衰草牛羊來下淡煙秋水鱸  
鰕初肥自笑平生頽然骨相只合持竿坐釣磯都休也

對西風無語落日斜暉

前調

嚴仁

竹馬美哉愛竹者誰曰君子歟向佳山水處築宮一畝  
好風煙裏種玉千餘朝引輕霏夕延涼月此外塵埃一  
點無須知道有樂其樂吾愛吾廬竹之清也何如應  
料得詩人清矣乎況滿庭秀色對拈彩筆半牕涼影伴  
讀殘書休說龍吟莫言鳳嘯且道高標誰勝渠君試看  
正統坡雲氣似渭川圖

前調

又一體

李福謙

隨意逍遙但橫拖竹杖迤邐溪橋正課晴量雨村翁邂逅魚時笋候里社招邀抱甕籬邊看花巖畔便作我生小有勞外此者蠅頭蝸角久付兒曹行吟不用詩瓢儘得意天風木葉飄想石渠天祿拋殘鬢髮金章紫綬誤煞英豪遠晤羲皇盟心松菊未必先生不姓陶蕭閒甚胸懷似此雲月俱高

女冠子

又一體雙調  
一百十三字

女冠子

柳永

斷煙殘雨灑微涼生軒戶動清籟蕭蕭庭樹銀河濃淡  
華星明滅輕雲時度莎階寂靜無覩幽蛩切切秋吟苦  
疎簾一徑流螢幾點飛來又去對月臨風空恁無眠  
耿耿暗想舊日牽情處綺羅叢裏有人人那回飲散畧  
畧曾諧鴛侶因循忍便睽阻相思不得長相聚好天良  
夜無端惹起千愁萬緒

玉山枕

雙調一百  
十三字

玉山枕

柳永

驟雨新霽蕩原野清如洗  
斷霞散彩殘陽倒影天外雲  
峰數朶相倚露莎煙茭滿池塘見次第幾番紅翠當是  
時河朔飛觴避炎蒸想風流堪繼  
晚來高樹清風起  
動簾幙生秋氣畫樓晝寂蘭堂夜靜舞豔歌姝漸任羅  
綺  
訟閒時泰足風情便爭奈雅歡都廢省教成幾闋新



歌盡新聲好尊前重理

丹鳳吟

雙調一百  
十四字

丹鳳吟

周邦彥

迤邐春光無賴翠藻翻池黃蜂遊閣朝來風暴飛絮亂  
投簾幙生憎暮景倚牆臨岸杏靨天斜榆錢輕薄晝永  
惟思傍枕睡起無慘殘照猶在庭角 況是別離氣味  
坐來但覺心緒惡痛飲澆愁酒奈愁濃如酒無計銷鑠

那堪昏暝簌簌半檐花落弄粉調朱柔素手問何時重  
握此時此意生怕人道著

前調

次周美  
成韻

方千里

宛轉迴腸離緒嬾倚危闌愁登高閣相思何處人在繡  
幃羅幕芳年豔齒枉消虛過會合絲輕因緣蟬薄暗想  
飛雲驟雨霧隔煙遮相去還是天角 悵望不時夢到  
素書漫說波浪惡縱有青青髮漸吳霜妝點容易彫鏤  
歡期何晚匆匆坐驚搖落顧影無言清淚濕但絲絲盈

握染斑客袖歸日須問著

前調

陳宗之  
芝居樓

吳文英

麗錦長安人海避影繁華結廬深寂燈牕雪戶光映夜  
寒東壁心彫鬢改鏤冰刻水縹簡離離風籤索索怕遣  
花蟲蠹粉自採秋芸熏架香汎纖碧 更上新梯窈窕  
暮山淡著城外色舊雨江湖遠問梧陰門巷燕曾相識  
吟壺天小不覺翠連雲隔桂斧月宮三萬年記元和通  
籍輭紅滿路誰聘幽素客

前調

次周美成韻

陳允平

暗柳煙深何處翡翠簾櫳鴛鴦樓閣  
片泥融潤飛燕競穿簾幕鞦韆倦倚  
還思年少鞦韆步塵輕衫裁羅薄陡頓  
芳心暗老強理新妝離思都占眉角  
過了幾番花信曉來剗地寒意惡  
可煞東風甚把天桃豔杏故故凌鑠  
傷春憔悴淚觸粉腮香落條脫金寬  
雙玉腕怕人猜偷握漸芳草恨畫閣  
休傍著

小梅花

亦名梅花引雙  
調一百十四字

小梅花

賀鑄

縛虎手懸河口車如雞栖馬如狗白綸巾撲黃塵不知  
我輩可是蓬蒿人衰蘭送客咸陽道天若有情天亦老  
作雷顛不論錢誰問旗亭美酒斗十千斟大斗更為  
壽青鬢常青古無有笑嫣然舞翩翻當壚秦女十五語  
如絃遺音能記秋風曲事去千年猶恨促攬流光繫扶  
桑爭奈愁來一日却為長

前調

向子諲

花如頰眉如葉小時笑弄階前月最盈盈最惺惺閒愁  
未識無計定深情十年空省春風面花落花開不相見  
要相逢得相逢須信靈犀中自有心通 同杯杓同斟  
酌千愁一醉都忘却花陰邊柳陰邊幾回擬待偷憐不  
成憐傷春玉瘦慵梳掠拋擲琵琶閒處著莫猜疑莫嫌  
遲駕騫翡翠總是一雙飛

前調

本意

朱雍

梅亭別梅亭別梅亭回首都如雪粉融融月濛濛江上  
小車歸去小樓空當時曾傳新妝薄而今一任花零落  
朝隨風暮隨風竹外孤根猶與幽逕通長相憶無消  
息庾嶺沉沉雲暗碧玉痕驚對離情無奈水遙天濶隔  
瓊城年來素袂香不減此心無限憑誰說夜縣縣路漫  
漫誰聽枕前吹徹笛聲寒

前調

本意

劉均國

千里月千山雪梅花正落寒時節一枝昂一枝藏清香

冷豔天賦與孤光孤光似被珠簾隔風度煙遮好顏色  
粉垂垂玉纒纒先春挺秀不管百花知似霜結與霜  
別莫使幽人容易折短牆邊矮牕前橫斜峭影重疊鬪  
嬋娟黃昏莫聽樓頭角只恐聽時亂零落醉來看醒來  
看紫綰麗人瀟灑倚闌干

紫萸香

或加慢字雙調  
一百十四字

紫萸香

九日

姚雲文



近重陽偏多風雨絕憐此日暄明問秋香濃未待攜客  
出西城正自羈懷多感怕荒臺高處更不勝情向尊前  
又憶漉酒插花人只座上已無老兵淒清淺醉還醒  
愁不肯與詩平記長楸走馬雕弓柞柳前事休評紫萸  
一枝傳賜夢誰到漢家陵儘烏紗便隨風去要天知道  
華髮如此星星歌罷涕零

女冠子

又一體雙調  
一百十四字

女冠子

雪

周邦彥

同雲密布撒梨花柳絮飛舞樓臺悄似玉向紅爐煖閣  
院宇深沉廣排筵會聽笙歌猶未徹漸覺輕寒透簾穿  
戶亂飄僧舍密灑歌樓酒帘如故想樵人山徑迷蹤  
路料漁父收綸罷釣歸南浦路無伴侶見孤村寂寞招  
颿酒旂斜處南軒孤鴈過嚦嚦聲聲又無書度見臘梅  
枝上嫩蕊兩兩三三微吐

輪臺子

輪臺西域地名詞調取  
此雙調一百十四字

輪臺子

柳永

一枕清宵好夢可惜被鄰雞喚覺匆匆策馬登途滿目  
淡煙衰草前驅風觸鳴珂過霜林漸覺驚棲鳥冒征塵  
遠況自古淒涼長安道行行又歷孤村楚天闊望中  
未曉念勞生惜芳年壯歲離多歡少歎斷梗難停暮雲  
漸杳但黯黯銷魂寸腸憑誰表恁驅馳何時是了又爭  
似却返瑤京重買千金笑

摸魚兒

兒或作子雙調  
一百十四字

摸魚兒

九日

徐一初

對茱萸一年一度龍山今在何處參軍莫道無勲業消  
得從容尊俎君看取便破帽飄零也得傳千古當年幕  
府知多少時流等閒收拾有個客如許追往事滿目  
山河晉土征鴻又過邊羽登臨莫上高層望怕見故宮  
禾黍觴綠醕澆萬斛牢愁淚閣新亭雨黃花無語畢竟

是西風披拂猶憶舊遊侶



御選歷代詩餘卷八十八